

**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

VII. Vtrum nihilominus imagines & reliquiæ sacræ secundum se & per se
etiam, tanquam totum obiectum materiale cultus, quod immediatè ac
directe colatur, adorari aliquo, licet inferiori, cultu poßint; ...

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

materiam illius, sed etiam relationem representationis, vel res quædam inanima est. Huic autem dicimus exhiberi cultum in signo, ex affectu tamen circa exemplar. Quod si cum eodem Caetano aliquis usurpet imaginem, ut illa loquitur, formaliter, ut exercet actum imaginis, hoc est, pro exemplari ipso in imagine; vel pro imagine, prout continet exemplar, & eo ipso quasi animata est, dicendum est sine dubio, ei veram latriam in spiritu, pro dignitate prototypi, exhiberi. Et infra: Porro imago exercens actum imaginis & in se continens exemplar, sicut corpus anima, est quoddam quasi compositum cogitatione nostra, cui tota latria defertur. Quo nihil pro nostra sententia dici potuissest apertius; et si author ibidem rursum insinuat, etiam hoc casu solum extrema signa cultus ad imaginem referri; quod meo iudicio cum dictis non bene cohaeret.

168 **ASSERTIO IV.** Semper tamen diuerso ac inferiori modo, imago simul, ac eodem cultu cum prototypo colitur. Ita fatentur omnes. Ratio est; quia prototypum, tanquam ratio colendi imaginem, est principale & formale obiectum. Quod talis cultus, imago autem, secundarium & materiale, & quasi accidentaliter annexum: illud non solum propri, sed eti absolute ac per se; hoc proprie quidem, sed non nisi relative, & propter illud dum taxat, adeoq; vt Bellarminus & Capreolus non male loquuntur, per accidens tantum, colitur eodem cultu cum prototypo, sicut purpura, quæ cum Rege eadem adorationes colitur.

169 Eadem diuersitas inter prototypum & imaginem, respectu eiusdem cultus etiam interni, optime declaratur exemplo charitatis. Sicut enim, quando per charitatem Deo proximum nostrum amando volumus, re ipsa quidem unus & idem affectus amoris versatur, simul, tam circa Deum, quam proximum; attamen respectu Dei habet rationem amoris amicitiae seu benevolentiae, respectu proximi vero, non item, sed potius cuiusdam quasi concupiscentiae: ita unus & idem affectus submissionis, erga exemplar quidem habet rationem verae seruitutis, adeoq; dulia, vel latræ; erga imaginem vero solum simplicis reverentiae & submissionis, qua imagini tanquam signo rei sacrae nos ipso aliqua ratione submittimus; hoc ipso, quod affectus ille dulia seu latræ ad imaginem solum secundario, consequenter, propter aliud, & per accidens refertur. Quod pariter etiam de vestibus & membris personæ alicuius, quæ adoratur, dicendum est.

170 **ASSERTIO V.** Ob eandem causam, et si veteres Theologi plerique, nondi lecta septima Synodo, dixerint, imagines Christi latræ colii; idq; suo quodam sano ac vero sensu, non solum si de habitu, sed etiam si de actu loquamus; quandoquidem materialiter unus & idem cultus latræ re ipsa ad imaginem prototypo quasi animata, & ad ipsum prototypum terminatur, vt dictum est: iam tamè ita absolute, & sine explicatione sufficiente loquendū non est. Ita Bellarminus lib. 2. de imag. cap. 22. & 25. Suarez 3. part. disp 45. sect. 5. Baronius to. 9. Anno 787. Probatur ex septima Synodo act. 6. ybi diserte negatur, imagines adorari latræ modo, inquit, sciamus excludi latriam; hæc enim est alia à simplici adoratione, ut sape alibi est dictum. Idem proinde sacerdos repetitur in eadē synodo act. 7. in definiti, fidei; & consentienti Patres a-pud eosdem, speciatim Damasc. orat. 1. de imaginibus.

Ratio est. Tum quia cultus imaginis Christi, vel crucis, tametsi in nostro casu, re ipsa & materialiter id est cxi cultu prototypi, reuera tamen ac formaliter non habet rationem latræ & perfectissimi cultus, nisi prout ad exemplar tendit, vt dictum est. Tum quia nisi diserte res explicitur, imagines non solent, vt directe prototypi iuncte, eoq; velut animatae intelligenti; cum tamen per se nunquam, sed solù quatenus prototypo velut animatae sunt, eodem cum prototypo cultu colantur, vt dictum: addita vero hac explicatio ne, nihil obstat, quo minus imagines Christi etià latræ defertur. Quo nihil pro nostra sententia dici potuissest apertius; et si author ibidem rursum insinuat, etiam hoc casu solum extrema signa cultus ad imaginem referri; quod meo iudicio cum dictis non bene cohaeret.

171 Idem seruata proportione dicendum est de dulia, vel hyperdulia, respectu imaginum, quarum exemplaria dulia vel hyperdulia colantur, vt recte notarunt Vasquez & Bellarminus locis cit.

Rectius dici potest, imagines Christi colii ex latræ; quia hoc modo *habitus* significatur, vt recte Suarez & Vasquez locit cit.

Bono etiam sensu admitti potest illa loquutio, velut propria: *Imagines Christi adorantur adoratione latræ*, hoc est, non quæ sit latræ, sed quæ pertineat ad virtutem latræ, sive quæ sit opus externum latræ, vt recte itidem docent Suarez & Vasquez locit cit. li. ceteraliter loquatur Baronius loc. cit.

D V B I V M VII.

Vtrum nihilominus imagines, & reliquia sacra, secundum se, & per se etiam, tanquam totum obiectum materiale cultus, quod immediate ac directe colatur, coli & adorari aliquo, licet inferiori cultu possint; non adorato formaliter & directe exemplari.

8. Thomas 2.2. q. 84. a. 1. & 3. part. q. 25. a. 3. 4. & 6.

172 **E**st hæc quarta controversia & difficultas, ex ijs, quas circa imaginum, aliarumque rerum sacrarum inanimatarum cultum dubio 4. explicandas proposuimus. In qua sunt quatuor Doctorum sententiae.

Prima sententia absolute negat, imagines, aliasq; res sacras inanimatas posse per se aut secundum levilo modo coli. Ita Viguerius Inst. Theol. cap. 5. §. 5. v. 12. Cabrera 3. part. tom. 2. quest. 25. artic. 3. conclus. 2. Tapia 3. part. q. 25. art. 3. & 4. Vasquez toto fere libro 2. & 3. Lessius lib. 2. cap. 63. num. 19. post Durandum, Holcot, Mirandulanum, & alios, qui proprium imaginum cultum negant, vt superius dub. 5. dictum.

Seconda sententia distinguit inter imagines, & reliquias sacras; his enim concedit cultum, quo per se colantur; illis negat, Ita Bonaventura in 3. dist. 9. art. 1. quest. 4. Gregorius de Valentia hic disp. 5.

q. 11.

q. 11. punct. 6. Palacius 3. dist. 9. disp. 1. quibus etiam fauent plerique veteres Scholastici, qui cum reliquijs hunc cultum concedant, vt videbimus, negare tamen videntur imaginibus, hoc ipso, quod nullum alium eis cultum tribuunt, quam quo simul colantur cum exemplari. Fauet etiam eidem sententia Azorius tom. 1. lib. 9. cap. 6. q. 5. quatenus reliquias per se quidem coli posse allerit, de imaginibus vero tacet.

174 Tertia sententia afferit, imagines aliasque res sacras, semper ac necessario per se ac secundum se coli, ita vt nunquam simul ac eodem cultu colantur cum prototypo. Ita Catharinus opuse de adorat. imag. conclus. 6. & 7. & Aiala de traditionibus 3. part. qui hoc ipso, quod docent, imagines, aliasque res sacras semper diuerso ac minori cultu esse colendas, necessario loquuntur de cultu, qui rebus eiusmodi sacris per se ac secundum se deferratur.

Quarta sententia, vtrumque cultum rebuseiusmodi sacris tribuens docet, tam imagines, quam res alias sacras inanimatas, posse quidem secundum se ac per se coli diuerso ac minori cultu ab exemplari, sed non necessario debere; cum possint etiam simul ac eodem cultu cum prototypo coli. Ita Sanderus lib. 2. de imag. cap. vlt. Albertus Pius lib. 8. contra Eraustum, Bellarminus lib. 2. de Ecclesia triumphante cap. 23. Suarez 3. part. tom. 1. edit. vlt. disp. 54. sect. 5. & tom. 3. disp. 8. 1. sect. 8. & alij recentiores inferius citandi. Quam sententiam vtj veriorem sequentibus assertionebus declaramus.

175 ASSERTIO I. Pro certo habendum, ipsam veram Crucem, in qua Christus peperdit, aliasq; Sanctorum reliquias, tanquam res sacras, posse etiam per se ac seorsim aliquo modo coli & adorari, non adorato directe exemplari, seu persona illa, ad quā pertinent. Hæc assertio in hac materia est principalis: & quia Vasquez, alijq; nonnulli recentiores oppositum afferentes, admodum laborant, vt suam sententiam persuadeant esse communem veterum ac recentiorum Theologorum, nos adductis particulis eorum testimonij, quantum quidem ad reliquias attinet, de quibus in hac conclusione sermo est, quidquid sit de imaginibus, oppositum ostendemus: nempe nostram hanc sententiam, non oppositam esse communem veterum ac recentiorum Scholasticorum.

Etenim I. Ita aperte docet Bonaventura, qui et si sua quam amplexus est, notione adorationis deceptus, vt dub. 1. dictum, honorem adorationis rebus eiusmodi sacris per se consideratis neget, reverentiam tamen, & honorem venerationis aperte concedit. Verba eiusdem in 3. dist. 9. a. 1. q. 4. sunt haec: Duplici modo exhibetur aliqui honor. Aliquando in obsequio reverentiae; & iste est honor venerationis. Aliquando in testimonium virtutis, & famulatum complacentie; & iste est honor adorationis. Vierque autem honor istorum ostenditur ipsi Cruci. Nam Crucem adoramus, & crucem veneramur; sed in hoc est differentiation, quia honor venerationis exhibetur ipsi Cruci, tanquam instrumento nostra salutis (nimur in se etiam, & per se spectate, vt mox inferius declaratur) Unde sicut exhibemus reverentiam sacramentis, quia est in eis aliquo modo nostra salutis causalitas; sic Crucis

Christi, & clavis eius aliqua reverentia est exhibenda. Et respectu ipsius honoris, habet crux in se aliquid, propter quod habet honorari. Honor autem adorationis offeratur ipsi Cruci Christi, ratione crucifixi, &c.

177 II. Richardus 3. dist. 9. a. 2. q. 3. Crux Christi, inquit, in qua Christus peperdit, duplicitate potest considerari, vel secundum se, in quantum est res quadam absoluta (non representans aliud) & sic sibi non debetur cultus latræ: sed tamen est reverenda sicut pretiosa reliquia, propter contactum sanctorum membrorum Christi membrorum, & propter multa beneficia, quæ per mortem Christi, in Cruci nobis collata sunt, &c. Vel potest considerari in relatione, &c. & sic eadem adoratione adoratur. Quibus clarius dici nihil potuerit.

III. Paludanus 3. dist. 9. q. 1. a. 1. primum quidem ait, imaginem vere adorari, licet solū propter exemplar. Deinde inferius dicit, esse absurdum principium nihil irrationaliter esse adorandum in se. Quia licet non propter se, tamen in se adorari potest & debet. Vnde de instrumentis Passionis Christi addit: Non solum veneramur Crucifixum in eis, sed etiam ipsa in se ipsis propter Crucifixum. Quæ verba itidē apertissima sunt.

IV. Tartaretus in 3. dist. 9. epilogo de adorat. q. 4. clarissime etidem referens & approbans sententia Richardi, & Bonaventuræ ait: Crux in qua Christus peperdit, potest duplicitate considerari. Uno modo in se & absolute, (scilicet non vt imago, sed vt res quadam sacra est) & sic non debetur ei hyperdulia, sed aliqua reverentia, tanquam pretiosa reliquia. Et sic debemus venerari species in Eucharistia, & sudarium Christi, & clausos, spinas, coronam, instrumenta. &c. Alio modo potest considerari Crux, in quantum representat Christum crucifixum, & sic quacunq; Crux, sive stilla, in qua Christus peperdit, sive alia, debet adorari adoratione latræ.

V. Aureolus in 3. sentent. dist. 9. a. 3. etiam quoad loquendi modum imitatus Bonaventuram ait: Si accipias aetum interiore (adorationis) pro actu reverentiae, sic possum talem aetum exhibere predictum (rebus sacris inanimatis) quando reputo, quod ista adoratio magi, sive reverentia quadam, vt Crux magis revereri dicatur, quam adorari vel coli, & tunc ex eo obiecto aetum exteriores, qui est signum huius reverentiae interioris, sed respectu illorum, quæ per se adorantur, dicitur bene cultus & obsequium. Et quia adoratio est cultus mentis, ideo (dicitur) quod nulla res nisi per se adoratur, nisi accipiat adorare pro reverenti. Ita Aureolus, qui eodem sensu negat, Crucem Christi per se considerat dulia vel latræ adorandam esse, &c. aperte simile concedens, actu reverentiae etiam interioris rebus sacris inanimatis deferri posse.

VI. Ioannes de Bassolis in 3. dist. 9. q. 1. a. 2. Advertendum, inquit, quod crux (vera) Christi non debet adorari latræ, vt secundum se accepta; sicut nec alia crucis: sed modo predicto, (in quantum representat Christum) Sed tamen sibi (etiam secundum se spectate) maior debetur reverentia, quam alij, tanquam reliquia pretiosa, & instrumento Redemptionis nostræ, propter contactum illorum sacramentorum membrorum Christi, & sanguinis pretiosi.

VII. Marsilius 3. sentent. q. 8. a. 2. Dicendum, quod Crux, in qua Christus peperdit, potest considerari duplicitate, uno modo, in quantum signum: Secundo secundum se. In quantum signum, est adoranda adoratione latræ, &c. considerata secundum se non est latræ ado-

randam, sed more venerabilium & sacrarum reliquiarum veneranda &c. Patet. Quia secundum se considerata, est contactus Domini corporis consecrata, & inundatione sancti eius sanguinis infusa & perfusa. Vnde Damascenus lib. 4. cap. 3. de sancti. imag. dicit: Ipsam quidem pretiosissimum lignum Crucis venerabile, in quo seipsum pro nobis Christus obtulit, ut sanctificatum tactu corporis & sanguinis, decenter est adorandum.

182 VIII Consentit Gabriel in 3. dist. 9. q. 1. male à quibusdā in aliam sententiā adductus: quāuis enim dicat, crucē Christi, in qua ipse peperdit, adorari latrīa analogice, mox tamē, quid his verbis subfit, explicans ait: Nām eis veneratio est recognitio eius ut ligni, in quo crucifixus est Deus, homo factus, & complacentia voluntatis in eo, ut talez; hic autē actus est adoratio latrīa analogice. Sic de clavis, corona &c. suo modo de reliquijs sanctorum. Adoratus ergo iuxta Gabrielem Crucem Christi, etiam ut tale lignū est, à Christo, quem portauit, distinctū, & quidē analogica quadā, vt ipse vocat, latrīe adoratione; quē videlicet re ipsa distincta sit à perfecta adoratione latrīe, Christo debita.

183 IX. Henricus Gandavensis quodlib. 10. q. 5. Materia, inquit, corporis aliquius sancti, quānunc (post separationem animae) manet sub substantiali forma, non modo est adoranda per se, alio vero modo non, sed solum per accidens &c.

X. Stephanus Brulefer 3. dist. 9. q. 4. Magistri sui, quem commentario illustravit, Bonaventuræ sententiam referens & sequens. Opinio, inquit, s. Bonaventura est, quod Crux Christi, in qua peperdit, in quantum etiam res est creata, est honoranda honore veneracionis, quemadmodum deferimus reverentiam vel veneracionem sacramentis Ecclesie. In quantum autem signum est Crucifixus, debet adorari adoratione latrīe.

184 XI. Petrus de Aquila 3. dist. 9. q. 1. Ratione pertractionis (seu contactus) adoratur Virgo Beata adoratione hyperdulia, qua specialis mē pertractauit corpus Christi. Sic etiam adoratur crux sanctissima, in qua Christus peperdit, & eam suo sanguine adornauit. Aliqui tamen dicunt, quod Crux est adoranda adoratione latrīe. Vbi auctor loquitur de cultu crucis, distincto ab eo, quo simil cum cruce adoratur Crucifixus.

185 XII. Guillermus Vorrlong. 3. dist. 9. Difficultas est, inquit, qua adoratione colenda est Crux Christi. Dicendum, quod tertio gradu hyperdulia; illa scilicet Crux, in qua corpus Christi elevatum est: quia fuit specialis triumphus Christi. Alia autem crucis sunt venerandas, inquantum sunt quadam imagines Passione Christi, & illius venerabilis macrueis. Vbi rursus sermo est de adoratione crucis, distincta ab adoratione crucifixi.

186 XIII. Ioannes Paulus Palanterius 3. sent. lect. 3. 6. An crux Christi latrīe, vel alio cultu colenda sit, hoc opus, hic labor est, secundū diuersas opiniones: Quibus omnibz, quid tenendum audite. Si crux Christi pro Christo sumatur, tunc ei latrīa debetur; alioquin cultus latrīe sibi non conueniet, sed hyperdulia, loquendo de vera Christi Cruce, in qua peperdit, quia instrumentum nostrae Redemptoris fuit. Vbi auctor loquitur de cultu verae cruci Christi, per se ac seorsim à Christo deferendo.

187 XIV. Michael de Palacio 3. dist. 9. disp. 1. Crux illa Domini, quia iam amisi Crucis formam, non representat oculis nostris Christum Crucifixum &c. Ideoque frustis Crucis Dominica non videtur esse impendendio latrīe cultus, propter rationem prefatam: nisi ex frustis il-

lis Crucem compegeris; quod tutius puto, quam frustū, quod non est crux, colere cultu latrīe. At dices. Satis est, quod sit frustum Crucis, ubi Dominus affixus est. Sancte, ut habeatur venerationi; audi distinctum cultum à cultu latrīe Christo debita) non tamē ut colatur latrīe cultus. Quia cultus hic non potest exhiberiligno, aut alijs materiae, nisi quia significat immediate Numen, vel proper habitudinem ad Numen. At vero in frustis illis utraq. ratio cessat. Hec dixerim sub censura melioris sententiæ. Vnde colleges, neg. coronam spineam, neg. claus, aut lanceam esse colenda modo cultu latrīe; quamquam extrema veneratione hæc sint colenda à fidibus: quam extimam venerationem etiam dandam credimus frustis Crucis Dominicæ. Vbi auctor expresse frustis sanctæ crucis, alijque eiusmodi reliquijs sacris, cultum distinctum tribuit à cultu ipsius Christi.

XV. Gregorius de Valentia hic disp. 6. q. 11. pun. 188 6. Reliquias sacras, inquit, duplicitate ratione venerari (proprie utique & interno etiam mentis affectu) dicimus. Primo quoniam ipsas per se reverenter trahamus & custodimus, & suspicimus, ex quod Sanctorum hominū aut corpora sunt, aut corpora attingerunt, aut etiā existierunt partes. Secundo veneramur illas quodq. relative, eodē cultu genere, quo illas, quorū sunt reliquia. Et infra addit, priori reliquias venerandi modo nihil omnino diuinum adhiberi.

XVI. Antonius Corduba lib. 1 quæst. Theol. q. 5. 189 dub. 4. a. 2. respons ad 4. & 6. & dub. 5. punct. 1. 2. & præcipue 5. ad 1. qui & ipse à nonnullis pro contraria sententia immixto adducitur, sequutus Gabrielem loc. cit. hæc tria diserte afferit. I. Crucē, & alia Insignia Christi adorari quidē adoratione latrīe analogicē, eademq; adoratione specifica, qua Christus adoratur: sed non semper eadem numero. II. Satis esse, quod illa insignia adorentur in ordine ad Christū, siue per unū, siue per plures motus, vel actus id enim impertinens esse; ut latrīe analogica adorentur. III. Ratione prædicti ordinis semper simul, non quidem formaliter, sed vel formaliter, vel virtualiter ipsum etiam Christum adorari: quæ est ipsius sententia, quam propugnamus.

XVII. Paulus Cortesius 3. sent. dist. 3. ait. Durandum loc. cit. captiuam argumenti plagam tendere, afferendo, id quod nullo modo sit hypothæsis virtutis sufficiens, id nec etiam cultus, aut honoris limitem esse posse: ita scilicet ut perse etiam colatur.

XVIII. Franciscus Panigarola Calvini 1. disp. 14. part. 2. ante medium; expressum quoque huius sententia ad stipulatorem se præberet, licet eius verba formalia in præsens referre non licuerit; quæ tamen olim legeram.

XIX. Iodocus Lorichius disp. de vsu imag. cap. 4. à fine: Præter hunc, inquit, honorem analogum, quidem est cum honore prototypi, liquido constat, etiam ipsi imaginibus, ut imagines Christi, aut Sanctorum sunt, quidam honoris ac reverentiae deberi, quatenus res Sanctorum sunt, propter significationem & relationem &c. Sanderus, & alij recentiores quod de sancta Cruce, & reliquijs sanctorum, multo magis dictum quisque intelligit.

XX. Petrus Tyræus disp. de imag. edita Heribaldi anno 1597 thesi 115. Neg. errant, inquit, qui Sanctorum imaginibus (idem de reliquijs cogita) eundem cum sanctis honorem censem impiendendum: neque quis longe inferiorem volunt tribui. Et infra: Imaginibus

qua

qua signa sunt rerum sacrarum, honor inferior, quam rebus sacris tribuitur; qua sunt media (quibus mens in prototypa fertur) idem ipsorum honor est & rerum sacrarum.

XXI. Antonius Perez in laurea Salmanticensi part. I. certam. 2. Scholast. numero 51. Licet, inquit, in sententiam istam acriter Gabriel Vasquez insurgit libro 2. de adorat. ubi pugnacissime heret sententia secunda (neganti imaginibus, rebusque sacris cultum distinctum à cultu ipsius prototypi, &c.) quia tamen argumenta prima sententia que magni ponderis sunt, non usq[ue]que disoluunt, nec possunt disoluiri, nisi concedendo inferiorem aliquem honorem, qui imaginibus deferatur, præ illo, qui prototypis defertur, ideo in sententia Suarez standum mihi esse uidetur. In quantum per illam res ista potest commodius atque plenus expone, salua Conciliorum virinque militantium irrefragabili autoritate.

192 Fauet eidem sententia ex parte Bartholomei Medina 3. part. quæst. 25. artic. 4. quatenus ait; Durandum & Picum Mriandulanum hac in regnante errasse; item Crucem Christi dupliciter collendam; priu[m]o ut imaginem Christi, secundo ut rem quandam Christi, seu contactu Christi sanctificata; nec quoad hoc S. Thomam retractasse suam doctrinam. Et addit: Exstimo esse errorem manifestum infide, affirmare, quod sanctissimo Crucis ligno, in quo Christus pendit, non debetur adoratio ratione contactus membrorum Christi, sed tantummodo ut est imago, &c. propter quod ego nescio excusare Durandum ab errore contra istam sententiam. Ita Medina.

193 Fauent etiam Dionysius Carthusianus in 3. dist. 9. quæst. 1. & in summa fidei libro 4. artic. 3. 4. & Clithouæ in propugnaculo Ecclesi. lib. 1. cap. 10. num. 6. & 7. quorum iste se refert ad Gabrielem Biel, ut qui præclare & topio habeat de re differuerit: ille contra Durandum absolute docet, non solum Crucem, sed & alia, qua sunt Christi, ut clavis, lancea, vestes, propter contactum corporis sui adorari.

Quibus si addas alios sex superioris relatos, & omnium, ipsius etiam Vasquez lib. 3. disp. 4. cap. 1. confessione, nobiscum sentientes, videlicet Sanderum, Albertum Pium, Ayalam, Catharinum, Bellarminum, Suarez locis cit. facile habebis ad triginta prope auctores, aperte pro hac sententia stantes: quam proinde communem recte dixeris.

194 His porro omnium consensione iungendus est S. Thomas in lib. sentent. 3. dist. 9. q. 1. a. 1. questione 4. diserte afferens, crucem Christi secundum se hyperdulia esse adorandam. Quem et si Vasquez numero 128. post Durandum, & Capreolum locis cit. velit, postea in summa 2. 2. quæst. 10. 3. art. 4. ad 3. & 3. parte q. 25. a. 3. & 4. suam sententiam retractasse, dum cruci etiam spectata, ut est res quandam sacra, tribuit eundem cultum latræ, quem Christo, à quo eam proinde minime sciungit: Verius tamen est, S. Thomam priorem sententiam nusquam retractasse, ut recte notarunt Caietanus, & Bartholomæus Medina 3. p. loc. cit. itemque Petrus Pergomas in concord. locor. S. Thomæ dub. 83. & Suarez cit. sect. 5. tum quia S. Thom. nullo verbulo indicat, se suam doctrinam mutare.

Tum quia eandem nostram doctrinam habet in

summa 2. 2. quæst. 99. a. 1. & 3. vbi ait: Ex hoc quod aliquid deputatur ad cultum Dei, efficiatur quodam diuinum, & sicut quedam reverentia debetur, quæ refertur in DEV. Eccl. inferius ait. In eiusmodi rebus, personas sanctorum quodammodo venerari, & dehonoriari, &c. Vbisane illa verba quodam reverentia, quæ refertur in DEV, & quodammodo venerari, aperte indicant, eum loqui de honore, quo DEVS ipse, & Sancti directe non coluntur.

195 Idem de imaginibus habet 2. 2. q. 103. a. 3. ad 3. Dicendum, inquit, quod motus, qui est in imaginem, quodammodo est in rem &c. & ideo reverentia, quæ exhibetur alicui, in quantum est imago DEI, redundat quodammodo in DEV.

Accedit quod S. Thomas ita facile secum ipso conciliari potest, si aduertas, crucem, etiam vi res quodammodo est contactu Christi sanctificata, duplicitate posse considerari: primo secundum se, quæ ratione iuxta S. Thomam in lib. sentent. ei debetur hyperdulia: secundo ut iunctam & copulatam per imaginationem Christo; quæ ratione adorationem latræ meretur, iuxta eundem in summa: nisi malis, eum cum ait, crucem etiam ut sic eadem adoratione latræ cum Christo colit, de eadem adoratione specifica loquitur, ut Cordubam etiam supra loquenter vidimus.

Cum vero creaturæ irrationali in se, vel secundum se, ut ipse loquitur 3. part. cit. a. 4. omnem cultum denegat, ne secum ipse aperte pugnet, intelligi debet, eum particulas illas accepisse, provocula Propter se, feueratione sui, & sine habitudine ad aliud, ut recte intellexit Caietanus ibidem; idque pariter fecerunt cum vocula, secundum se, idem Caietanus 3. part. q. 24. a. 3. & Valentia hic. q. 11. punct. 6. Et cum vocula, in se, Tartaretus 3. dist. 9. epit. de adorat. Et cum vocula, per se, Palacius 3. dist. 9. disp. 1. Nec plus probat S. Thomæ ratio. Adde quod seipsum ita quasi explicat cit. part. 3. a. 4. Honor, inquit, & reverentia non debetur nisi rationali nature: creature autem insensibili non debetur honor vel reverentia, nisi ratione rationali naturæ; quod verisimum est. Atque haec tenus de auctoribus huius sententia egimus.

Iam probatur assertio primo ex dictis Conciliorum, quæ et si alium etiam adorationis modum non excludant, simul tamen etiam istum indicant. In VII. Synodo act. 7. definit. fidei dicitur: Imaginibus salutationem & honoriam adorationem exhibet, non secundum fidem nostram veram latriam, quæ soli naturæ divina competit; sed quemadmodum typi veneranda & vivifica crucis, & sancti Euangelijs, & reliquis sacris oblationibus sufficiunt & luminarium reverenter accedimus. Vbi plane sermo est de cultu ipsa distinctione à cultu exemplarium. Idem habet Adrianus Papa epist. de imag.

Nec minus aperte Damascenus orat, 1. de imag. Adoratio, inquit, est submissionis & honoris nota; atq[ue] huius duplex est ratio; altera enim est, quam DEO exhibemus, qui natura solus est adorandus, latræque dicitur; altera, quam propter ipsum Deum exhibemus vel amicis & seruis eius, vel quibuslibet Dei locis, vel templis eius, vel principib[us] a Deo constitutis. Vbi rursum sermo est de cultu distincto ab eo, quo Deus ipse directe colitur.

Denique in Concilio Tridentino sess. 25. decret. de iuvocat. Sanct. dicitur: *sancctorum corpora quæ viua fuerunt membra Christi, & templum spiritus sancti, veneranda esse, per quam multa beneficia a Deo hominibus praestantur.* Vbi itidem sermo est, de veneratione distincta ab ea, qua directe colatur ipsi Sancti, sicut & ratio etiam colendi diuersa assignatur.

Fauet etiam scriptura psalm 98. v. 5. *Adorate scabellum pedum eius, quoniam sanctum est.* Et Philipp. 2. v. 10. *In nomine IESU omne genu flectatur.* Quod quidem de ipso nomine, non tantum de re significata rectissime, & ex communis quasi fidelium sensu accipiendu, vt bene Suarez cit. sect. 7. post Abulensem c. 20. Exodi q. 6. & 7. & S. Thomam opus. 60. a. 6. vbi multa adfert in laudem huius nominis, licet aliter sentiat Vasquez lib. 2. disp. 8. cap. 10.

Secundo probatur assertio ex communi praxi Ecclesiæ. Quidquid enim sit de imaginibus, certe reliquiae, vasæ, & alia res sacræ inanimæ, frequenter coluntur, ut recte notarunt Suarez cit. tom. 1. sect. 5. & tom. 3. sect. 2. & Bellarmine lib. 2. de imag. cap. 21. vbi addit, *omnium confessus, Evangelia, ac vasæ sacræ, per se ac proprie coli.*

Nec id omnino tacuit Vasquez lib. 2. disput. 8. cap. 14. num. 384. cum ait: *Et quamvis aliquando homines, ex consuetudine potius hæc omnia osculentur, & reverenter tractent, non ita expresse in Dei excellentiam attendent, nihilominus semper quando homo aduerit in eis, quodammodo Dei cultum apprehendit: si quodammodo tantum; ergo non directe semper in eis Deus colitur.*

Tertio probatur ratione. I. Omnis res sacra, quæ talis, potest aliquo conuenienti modo coli seu adorari, ut constat: reliquia, & res aliae, de quibus loquimur, sunt res sacræ, ratione habitudinis ad prototypa, seu personas, quas concernunt, etiam si iste cum illis directe non apprehendantur: Ergo ut sic etiam possunt adorari.

Minor probatur, licet enim non habeant sanctitatem physicam & realem, habent tamen moralem & iuxta estimationem humanam, ad eum modum, quo etiam in temporali politia, quandam dignitatis prærogatiu accepisse putatur ille, cui Rex manus honoris causa porrexerit; quæ quidem dignitas non est utique ipsa regia dignitas, sed longe inferior ab ea deriuata.

Agnoſcit hoc Damascenus sermone de dormit. Deipara, cum sepulchrum B. Virginis per figuram proſopopœiæ, ita loquens introducit: *Sacrum corpus (Virginis) mihi quoq; sanctitatem impertinet.*

Et S. Thomas 2.2.q.99.a.1. *Sacrum, inquit, dicitur aliiquid ex eo, quod addiunum cultum ordinatur.* Et sicut ex eo, quod aliiquid ordinatur in finem bonum sortitur rationem boni, ita etiam ex hoc quod aliiquid deputatur ad cultum Dei, efficitur quoddam diuinum. Et sic ei quædam reverentia debetur, quæ refertur in Deum. Et ibidem a. 3. ait: *Dicendum quod peccatum sacrilegij in hoc consistit, quod aliquis irreverenter se habet erga rem sacram. Debetur autem reverentia rei sacræ, ratione sanctitatis;* & ideo secundum diuersam rationem sanctitatis rerum sacrarum, necesse est, quod sacrilegij species distinguantur. Et inferius: *Post sacramenta secundum locum tenent vasæ consecrata ad sacramentorum susceptionem, & ipsæ imagines sacræ, & reli-*

quiæ sanctorum. Vbi audis, ex mente S. Thomæ, diuersam esse rationem sanctitatis in his rebus, adeoque distinctam à sanctitate prototypi.

Vnde etiam optime Bellarmine lib. 2. de imag. cap. 21. *In ipsa, inquit, imagine (multoque magis in reliquijs sacris) vere ineſt aliquid sacram; nimurum similitudo (expressa per imitationem) ad rem sacram,* & ipsa dedicatio, sive consecratio diuinæ cultus, &c. Vtramque rationem sanctitatis in imaginibus consecratis recte etiam agnoscit Petrus Tyræus cit. disp. de imag. append. thes. 44.

II. Omni rei aliquo modo apprehensæ ut superiori, licet aliquo modo conuenienti se submittere: sed res eiusmodi sacræ, etiam ut distinguntur à personis, quas concernunt, possunt aliquo modo ab homine apprehendi ut superiores & excellentes. Ergo, &c. Major est evidens; quia cuique licet, per actum honoris suam de re aliqua existimationem veram, quam haber, contestari.

Minor probatur. Quia si considerentur res eiusmodi non secundum esse abſolutum, sed secundum habitudinem representationis, partis, instrumenti &c. iam hoc ipſo induit aliquam rationem sanctitatis, ut superius ex S. Thoma retulimus: quia ratione præcise quisque merito, in hac vita, (altem considerando ſeipſum, ut vere eſt, peccatore) potest se inferiorem existimare.

Denique etiam in rebus politicis, ad honorem Principis pertinet, ut etiam res ipsius peculiarem habitudinem ad eundem habentes, ut sunt imagines, & Symbola regia, &c. propter ipsum decenter & honorifice habeantur, etiam in eis directe. Princeps ipſe minime colatur.

A S S E R T I O II. Sed & eodem etiam modo coli possunt imagines, spectatæ ut prototypo relative opponuntur, iuxta secundam considerationem, imaginis dubitat. 4 explicatam. Ita ex citatis auctoribus expresse docent Sanderus, Albertus Pius, Ayala, Catharinus, Panygarola, Bellarmine, Loricinus, Petrus Tyræus, Perez & Suarez cit. sect. 5. quia, hoc tam verum eſt, quam quod imago aliqua tandem modo proprie colatur. Sed & Azor cit. q. 5 hanc sententiam probabilem afferit.

Ex antiquis vero apertius docuit S. Thomas cit. 2.2.q.91.a.1. vbi cum dixisset, rebus sacris deberi quandam reverentiam, postea a. 3. inter eas aperte etiam imagines numerat, ut dictū. Eadem doctrinam expresse habet Gabriel inferius referendus.

Ex ceteris vero antiquioribus Scholasticis, licet nihil fere certum colligi posse, eo quod aequinoce loquuti sunt, neq; de hac imaginis consideratione expresse meminerunt, ut fatetur Suarez cit. sect. 5. fassent tamen Capreolus, Ferrariensis, Maior, Pandanus, alijq; omnes, qui de reliquijs, rebusq; factis ita docuerunt, quandoquidem etiam imagines utique in numero rerum sacrarum habuerunt.

Qui tamē nihilominus diuersimode de reliquijs & imaginibus loquutifuerunt, quia has ipsi considerarunt, ut reipsa exercentes actum imaginis, adeoque locum prototypi sustinentes, qui precipiuſ, & forte communior est imaginum vſus, cum tamen ē contra reliquiae, alijq; res sacræ communiter non ita concipientur, sed solum ut relationem habent ad personas sacras.

Probatur

203 Probatur assertio, contra autores diuersim sententes, superius citatos; Primo ex Conciliis, & SS. Patribus, qui hunc imaginum cultū varijs modis insinuant. I. Cum perinde de imaginibus loquitur, vt de reliquijs, & alijs rebus sacris, vt vidi mus dubio præcedent n. 163, ex VII. Synodo act. 7. II. Cum passim docent imagines honorari sive adorari propter prototypum: nam vocula propter, in rigore solam rationem adorandi significantur. III. Cum sepe docent, eas diuerso, & minore honore coli, quam prototypa, vt diximus num. 197. IV. Cum eo modo coli dicuntur in illis prototypa, quo Deus colitur in sanctis, vt dictum dub. 4 n. 116. V. Cum speciatim docent, eiusmodi honorem deriuari ab imaginibus ad prototypa, vel contra sic uer in VII. Synodo act. 7. definit. id. dicitur: *Imaginis honor in prototypum resultat. Et in VIII. Synodo canon. 3. Propter honorem, qui ad principalia ipsa referuntur, etiam deriuative imagines honorantur & adorantur, ut sanctorum Euangeliorum liber, atque typus pictura Crucis.*

Denique VI. Maxime illustris est locus ille VII. Synodi act. 6. *Quapropter non indignas habebimus imagines honore, salutatione, & veneratione, debitamq. illis adorationem dare debemus. Sine igitur placebit salutationem, sine adorationem appellare, idem profecto erit, modo sciamus excludi latriam, haec enim est alia à simplici adoratione, ut saepe alibi est dictum. Vbi vocula Alia, plane in re diuersum cultum significat, quam sit latraria, quā nonnunquam colitur exemplar.*

205 Secundo probatur ratione I. Quia imagines sacrae adnumerantur reliquijs, & alijs rebus sacris, quas per se colendas esse probauimus assert. præc. cuius proinde probationes etiam ad hanc assertiō nem pertinent.

I. Imagines etiam per se spectata obiectum esse possunt contumelia: tametsi quis ipsum prototypum directe non cogitet de honestate. Propterea enim Sanctus Thomas cit. art. 3. minorem docet esse contumeliam, quæ imaginis alicuius, quam quæ ipsius persona directe infertur: ergo etiam per se capaces sunt honoris.

III. Imagines, quando simul cum prototypo coluntur, in se capaces sunt alicuius etiam interni honoris, vt probauimus dub. 5. Ergo etiam quando separatis spectantur; modo semper cum habitudine ad prototypum spectentur, sive illa habitudo sub ratione specifica apprehendatur, sive tantum sub ratione generica, rei videlicet Deo dicata, vel ad diuinum cultum pertinentis.

206 IV. Ex rubricis Missalis Romani, etiam ipso exteriori signo & gestu corporis longe alia sit reverentia Crucis, aut imagini Christi, quam ipsi præsentis corpori Christi. Illis enim simplex capituli inclinatio, huic profunda genuflexio exhibetur. Cur hoc? nisi quia etiam communis Ecclesiæ ritu, imagines per se cultu quodam inferiori honorari solent. Certe aliqui, si vtrobiique semper directe Christus honoratur & adoratur, nulla videtur eius differentia ratio assignari posse.

Ex quibus deniq; colligitur, vniuersim triplicem imaginis cultum distingui posse; nimis I. quo ipsa colatur in se, ac per se, prototypum autem solum sit ratio colendi, de quo haclenus egimus. II. Quo per

se ac proprie solum colatur prototypū ab imagine repræsentatū; imago vero ipsa non nisi improprie, iuxta dicta dub. 4. & 5. III. Quo vtrumque simul, prototypū scilicet cum imagine, vno ac eodem affectu vere ac propriè colatur, de quo cultu dubio præcedente egimus.

Quam doctrinam totā tradidit etiam Gabriel cit. dist. 9. q. 1. his verbis: *Apprehensa imagine Christi, duos actus internos in cognitione formare possumus (fundantes ordinē adorationis modos) & totidem in affectu (perficientes & peragentes eosdem duos adoracionis modos;) vel unum duobus aequivalentē. (ad tertium adoratiōis modū spectantē.) Vnum, quo cognoscere illam ut imaginem, vel repræsentatuum prototypi; & hic terminatur ad rem ipsam, quæ est imago. Et similiter in affectu; unum quo mibi placet res ipsa, non ut aurū vel argentum, sed ut repræsentatuum imaginati. In quibus duobus actibus ponit Gabriel adorationē: Unde habes primum modum colendi imaginem.*

Secundo, quo cognoscere prototypum esse talem, qualē representat image: qui actus fundat secundum adorationis modum.

Pi si fuerit imago Crucifixi mihi obiecta, formo primo in intellectu actū, quo noscere illam repræsentare Christum crucifixum, & in affectu actū, quo placet mibi res illa, pro quanto repræsentat Christū. Illi actus sunt latrīa large accepta, quia sunt cognitio & dilectio rei, in quantum habet ordinem repræsentationis ad Christum latrīa propria dicta adorandum. En exemplum primi modi.

Secundo (formo) actū in intellectu, quo credo Christū Deum & hominem, per talem imaginē repræsentatū esse crucifixū, & diligo eum ut talem; & illi actus sunt latrīa propria dicta. Habes exemplū secundi modi.

Potest etiam esse unus actus in intellectu, & similiter unus in voluntate, utroq; p̄dictos includens virtualiter, ut assensus huius propositionis: Hæc est imago Christi pro humano genere crucifixi. Hoc enim actu credo, hanc rem esse imaginem Christi, & credo, Christum esse crucifixum: & talis actus est latrīa large vel improprie, in quantum terminatur ad imaginē Christi repræsentantem, tanquam ad partiale obiectū; & est latrīa proprie dicta, in quantum terminatur ad Christū Deum crucifixū. Sic actu voluntatis, que diligo imaginē istam propter Christum repræsentatum, pro quanto terminatur ad imaginē, est latrīa impropriæ seu analogice, & actus utendi; & in quantum terminatur ad Christum Deum, est latrīa proprie dicta, & fructu. Habes tertium modū colendi imaginem, simulcum exemplo: Quæ ipsa est quasi summa totius nostræ dissertationis, de modo colendi imagines.

207 **ASSERTIO III.** Honor, quo imagines aliae quæ res sacrae hoc modo coluntur, semper ac necessario est minor, quam sit honor ipsius prototypi. Ita omnes Doctores, qui prædictum venerationis modum admittunt: & patet ex citatissimis SS. Patrum, & Conciliorum. Ratio est; quia licet ultimæ eadem excellentia sit ratio huius cultus, quæ est ratio cultus prototypi, sive personæ, propter quam res ista coluntur, participatio tamen eius excellentiæ est in vtrisque longe diuersa. In prototypo enim realiter & formaliter inest; his tantum extrinsecè & secundum quandam habitudinem ac moralem affirmatiōem applicatur. Quocirca cum in cultu,

208

209

vtriusque sit habenda ratio, ipsaque cultus ratio respondere debeat non solum excellentiae, ob quam vltimate cultus defertur, sed etiam applicationi eiusdem excellentiae in obiecto, quod per se & directe colitur, hincfit, vt in hoc colendi genere, semper minori cultu, tum imagines, tum alia res sacrae colantur, quam sit cultus prototypi.

Quae tamen honoris differentia non tam metienda est exterioribus signis, que in utroque cultu fere communia esse solent, quam ipsa interiore honorantis intentione & affectu, ex quo signa exteriora suam vim habent, & quasi specificantur, adeo ut iisdem signis exterioribus existentibus, honor tamen ipse & cultus esse possit diuersissimus, vt patet ex genuflexione, quæ Deo, & quæ Sanctis defertur. Nam quod illuc est latraria, hic est dulia, vt orantes fatentur, & generatim dictum dub. 1. num. 26. & rursum dub. 2. num 41.

A S S E R T I O IV. Hic ipse tamen cultus pertinet ad eandem virtutem, qua colitur ipsum prototypum, nec adeo ab alia virtute distincta procedit. Ita Suarez cit. tom. 1. disp. 54. sect. 5. Ratio est; quia est eadem formalis & vltimata vtriusque cultus ratio obiectiva, nempe eadem excellentia prototypi; et si diversa sit applicatio, quæ non videtur sufficere ad diuersum habitum constituendum. Idemque accidit in charitate Dei, & proximi, seruata proportione. Nec obstat, quod S. Thomas in sententijs, & multi veteres cultum eiusmodi Crucis vocant hyperdulia; quia hoc vocabulo hyperdulia & dulia, sape significant omnem cultum qui proprio non est latraria, vt quidem cultum imaginum non esse, diximus dubio praecedenti, vbi de vocabulis plura.

Superest, vt quedam argumenta contra doctrinam hactenus explicatam dissoluamus. Primo enim obijicitur, quod Concilia sacerdos & aperte illum modum colendi imagines afferunt, quo in imagine directe colitur exemplar, vt patet ex Concilio Tridentino loc. cit. & VII. Synodo passim: ergo aut de hoc modo colendi semper loquuntur, aut æquiuocè loquuntur; quod nō videtur admittendum, saltem in definitione fidei.

Respondeo, negando consequentiam: quia ut recte notauit Suarez cit. sect. 5. præcipius scopus Conciliorum fuit, contra Iconomachos docere, imagines esse veræ ac proprie colendas, ratione exemplarium; in quo nullam committunt æquiuocationem. Quomodo autem hæc adoratio in specie fiat, & an vno tantum modo, vel pluribus, de hoc (vñalij etiam materijs fieri solet) nihil expresse definit Concilia, sed id Theologorum disputationibus relinquunt; quia non pertinent ad dogmata fidei, sed sub opinionem cadunt. Interim quia re ipsa hic cultus diversis modis exerciri potest, idcirco Concilia modo vnum adoracionis modum insinuant, modo aliud, vt dictum.

Secundo speciatim obijicitur testimonium Basili lib. de Spiritu sancto cap. 18. & recitatatur in VII. Synodo act. 4. vbi dicitur, esse unam glorificationem imaginis & exemplaris. Ex quo loco etiam Johannes Presbyter ibidem infert: Vnde B. Pater indicauit, non esse duas adorationes, sed unam ipsius imaginis, & exemplaris.

Respondeo, genuinum sensum esse non quod nullus cultus esse possit imaginis, nisi quo simul & directe etiam exemplar colatur; sed quia nunquam potest ita colli imago, quin saltem indirecte simul colatur exemplar. Quod evidenter patet, tum ex occasione, ob quam hoc dixit Basilij, ne scilicet dividatur ipsum prototypum ratione sua excellentiae: ad quod exitandum, satis est, nullam esse aliam rationem colendi imaginem, præter excellentiam prototypi. Tum quia id ipsum ratio subiuncta indicat: addit enim Basilij ibidem, propterea quod *imaginis honor ad exemplar transi*. Quod etiam confirmatur ex illo Aristotelis, vbi est vnum propter aliud, ibi est vnum tantum. Præterquam quod SS. Patres alias sacerdotum cultum prototypi (quo ipsum nempe directe colitur) à cultu imaginis distinguunt, vt vidimus.

Tertio obijiciunt, creaturam irrationalem non posse obiectu esse cultus, ita saltem vt interior effectus submissionis ad eam referatur: quia nō potest apprehendi vt superior; nec potest iniuriæ esse capax.

Respondeo negando totum assumptum; quia iam supra dub. 5. num. 143. cum Paludano vidimus, hoc esse absurdum fundamentum. Quia potius & capacem esse honoris, & iniuriae, & apprehendendi à nobis posse vt superiore & excellentiorem ratione sanctitatis, quam suo modo participant, superioris dictum est: non ita quidem, quasi actus contumelij ratione iniuriae habeat, prout præcise ad imaginem terminatus, ex ipso prototypo, quod consequenter legitur, ratione perfectam iniuriae participat, vt supra etiam de cultu imaginum dictum dubio 5.

Idque rursum confirmatur exemplo charitatis. Nam amor proximi propter Deum est verus actus Theologicæ virtutis; licet hac rationem virtutis Theologicæ non habeat, ex hoc, quod circa proximum, sed quod circa Deum versatur.

Nec verum est, omnem honorem seu cultum debere percipi ab eo, cui directe exhibetur; quia nec ob eum finem, nec hac existimatione semper defertur; sed solum vt condignam de obiecto honorato existimationem, aliqua nota externa exprimamus, & manifestemus, seu illi rei, quam directe veneramur, seu alijs; idque vltimata saltem & implicite in honorem eius, quem res honorata concernit, quique hoc ipsum officium reverenter agnoscit, & gratum habet. Nec quidquam solidum contrarium potest afferrari: præfertim quia hoc fundamentum nouum est, & veteribus Patribus, ac plus risque scholasticis, speciatim vero ipsi S. Thomæ, curius mente assert. 1. explicauimus, incognitum.

Quarto speciatim obijiciunt Sectarij, quod hac ratione videamus idolatriam cum Gentilibus inducere.

Respondeo, hanc esse veterum Iconomachorum calumniam; ad quam Tharasius in Synodo VII. act. 2. ait: oportere impuras verborum vanitates refutare, &c. Quid autem impurius ac vaniloquium, quam Christianos Idolatria studiosos dicere, &c. Nempe quia manifestum est, maximum esse discrimen inter cultum imaginum hactenus declaratum, & Christianis consuetum, & inter idolatriam Gentilium. Nam vt optime dixit S. Thomas 3. part. quæst. 25. art. 3. Adoratio imaginum est inter infructuosa opera

(Genti-

(Gentilium) computanda, quantum ad duo. Primo quidem quantum ad hoc, quod quidam eorum adorabant ipsas imagines, ut res quafdam (absolutas, & sine respectu ad prototypum,) credentes in eis esse aliquid Numinis, propter responsum, quae dæmones in eis dabant, & alios huiusmodi effectus mirabiles. Secundo propter res, quarum erant imagines. Statuebant enim huiusmodi aliquibus creaturis, quas in eis veneratione latræ venerabantur. Nos autem adoramus, inquit, adoratione latræ imaginem Christi, qui est verus DEVS, non propter ipsam imaginem, sed propter rem, cuius imago est. Ita S. Thomas.

Adde, cultum imaginum prout quidem ad ipsas imagines refertur, non esse veram & perfectam latram. vt hoc & præcedenti dubio diximus. Cetera, quæ obiectuntur leuiora sunt, & videri possunt apud Suarez, aliasque citatos.

Ea vero quæ de imaginibus diximus, secundum proportionem accommodanda sunt etiam speciebus Eucharistis, & alijs signis Sacramentalibus, verbisque etiam, ac scripturis sacris, à quoconque demum scripta vel concepta sint; vt docet etiam Vasquez lib. 2. num. 165. imo & ipsi humanitati Christi; nisi quod hæc regre etiam absolute dicitur latram coli, vt indicauimus dub. 2. n. 50. & pluribus suo loco videbimus. Species verò, seu conceptus, & Verbum mentis, Christum repræsentans, cum tantu mediū sit cognitionis seu appetitionis, non autē obiectum, aut pars obiecti, adorato Christo, nullo modo adoratur, vt recte Vasquez 1.2. n. 18.

Quæres postremo, an res etiam alia creatæ quilibet possint cultu aliquo sacro & religioso coli. Et certum videtur, per se & secundum se, ad eum modum, quo paulo ante imagines & res sacras coli posse diximus, ita coli non posse; quia in se sacre omnes non sunt; quod tamen ad huius cultus modum requiri vidimus.

De cultu, quo per accidens simul cum D E o colantur, tanquam eius videlicet creature quædam, & vestigia, ac sedes, cumque adeo etiam in se, iuxta apprehensionem nostram, quodammodo con-

tinentes, Jaffermat quidem Vasquez lib. 3. cap. 2. post Caetanum 2.2. quæst. 103. art. 3. ad 4. id fieri posse, seculo scandalo, & erroris periculo.

Sed contrarium, proprie loquendo, videtur verius, vt docet Atenis 3. part. quæst. 20. memb. 3. art. 2. Waldensis tom. 3. cap. 1 56. & Paludanus in 3. dist. 9. quæst. 1. Quia etiam vt hoc cultus genere aliquid proprie colatur, necesse est aliquo modo esse sacrum, vt pote inadæquate saltem, & minus principaliter constituens obiectum illud sacrum totale cultus, quod ex persona sacra, & re illa per cogitationem efficitur, & terminat adorationem sacram. Alioqui circa illam exerceri quidem externa honoris nota, sed non internus submissionis affectus ad eam referri; adeoque adorari quidem fortasse in illis, & coram illis D E v s poterit, vt dictus superius dub. 2. sed nō ipse propter D E V M, prie loquendo; vt recte notauit Paludanus loc. cit.

Quia igitur talem sanctitatis participationem, iuxta moralem estimationem, ex qua hæc res omnis dependet, non habent res inanima, nisi pecuniam ad Deum, vel Sanctos habitudinem ac relationem habeant, vt pote cuiusdam similitudinis, vel contactus, &c. ideo verius hic eis cultus dengatur; quicquid sit de hominibus, vt sunt quædam naturales D E i imagines, de quibus aliter Atenis & Waldensis loquuntur, & nonnulli diximus dub. 2. num. 59. Nec aliter per creaturam inanimatam iurare fas est, nisi quatenus in illa, siue per illam diuinam veritas innoscit, aut reluctet, vt dicetur inferius de iuramento, & bene Vasquez lib. 3. num. 10. Hoc certum, materialiter loquendo, multas res saltem ex accidenti, videlicet ob periculum erroris, vel scandali, atque etiam ob moralem siue naturalem quandam indecentiam ac fæditatem, ita recte coli non posse, v. g. asinum in quo Christus sedit; vel marum impij ministri, qui Christum percussit, &c. vt post Adrianum & Ionam Aurelianensem de imaginibus recte Bellarminus cap. 30. Suarez sect. 7. & alii communiter docent; & à posteriori colligitur ex dictis dubio 2. cit. num. 59.

Q V A E S T I O III.

De Sacrificio, oblationibus, primitijs, Decimis.

S. Thomas 2. 2. q. 85, 86. & 87..

Pertinent actus isti religionis, iuxta distributionem questione 1. dub. 3. premissam, ad quidpiam D E O offerendum, de quibus breuiter agendum, idque duabus distributionibus. I. De Sacrificio. II. De oblationibus, primitijs, decimis.